

JAZZ EXPRESS

100 250 500 1K 3K 6K 14K

Afro Caribbean Jazz

E ta na **Galactica 99.9**
Tur Diadomingo anochi di 8:00 pa 10:00
e ta cu Giovanni Muller y Tendo Boekhoudt
NO POR TA OTRO E TA JAZZ EXPRESS!

Rey di San Juan 2009, Wiwi Maduro; “Crioyo Mi Ta” di Jairo Evertsz, ganador di propio composicion



TANKI LENDERT - Comision Promove Cultura 88.9 por mira atras riba un exitoso festival di San Juan 2009 cu a keda respalda pa e pueblo cu a yena Centro di Bario Tanki leendert can can. Y sigur cu e respaldo ricibi di RBTT Bank

of Aruba, Setar N.V. y Fundacion Lotto pa Deporte cu ta sigui kere y aporta na un parti importante di nos cultura manera nos San Juan. Bou canto di nos himno nacional canta pa e comision organizador y miembronan di Radio Bo Guia

88.9 compaña musicalmente pa Grupo di Betico, nos dushi bandera a wordo hisa dunando asina oficialmente inicio na e Festival San Juan 2009 dedica na mama di nos cultura Bernadina Growell. Un escenario masha bunita mes decora cu varios articulonnan di cas di mama di Cultura incluso un maniquin cu tabata bisti cu e trahe Tipico di nos mama di Cultura Bernadina Growell. Banda di e escenario publico por a disfruta henter anochi di un documentario “riba big screen” di nos mama di cultura. Palabra di pabien pa decoracion di e stage cu tabata den man di Edsel Pietersz y Randolph Geerman y e documentario den man di Trevorr Rosel. Mester remarca cu huradonan e anochi tabata Sra. Maybeline

Arends-Croes; Sra Arlenne Wever— Croes; Sra. Linda Flores-Figaroa ; Sr. Don Ramon Krozenijk y Sr. Roy Sneek, bou liderasgo di e presidente di hurado Sr. Leo Werleman cu no tabata tin un trabao facil e anochi. Comision organizador a enfatiza cu e Festival lo ta uno di calidad y no di cantidad y pesey a acepta solamente 7 agrupacion pa participa cu un total di 21 cantante den e 4 diferente categoria. Cada agrupacion e anochi a presente un cancion di Mama di Cultura dunando e anochi un toke berdadero di homenahe na Bernadina Growell.

Ta di aplaudi e union den cooperacion cu a ser duna e anochi aki dor di miembronan di prensa na Radio Bo Guia. Primeramente Ramond Hoek y Dino Croes di Tele Aruba, prensa skirbi y otro radionan cu a yuda promove e actividad. Rado Bo Guia ta gradici di curazon primeramente Sr. Roberto Geerman kende sin su cooperacion e Festival no por a keda transmiti e anochi, tambe Trevorr cu tabata e tecnico. Sra. Micky Gravenhorst cu a fungi como stagecoordinator pa e programa por a cana smooth y na ora, y tambe na Sr. Juby Naar cu a duna nos un tremendo man den presentacion di un biografia ken ta Mama di Cultura Bernadina Growell.

Grupo di Betico tabata e prome agrupacion cu a haci su presentacion e anochi sigui pa Tico y sus Estrellas. Despues tabata Rincon Boys, sigui pa Tipico Macuarima. Tradicion Musical a continua y despues Tipico Pegasaya pa final di anochi nos a haya presentacion di Sodo E Cuero, agrupacion cu Mama di Cultura a cana hopi tempo cune. Na final di anochi cada persona cu a traha a wordo sorprende cu un bunita mug cu nan potret riba dje traha pa Krimidesign di Sr. Renny Alvares cu tabata e persona cu a percura pa e plakaatnan e anochi cu tabata un joy di recuerdo. Cada ganador a keda sorprende cu nan foto riba plakaat mencionando ki competencia nan a gana.

E resultado ta como lo siguiente: E hoben Brandley Rincones a gana tanto San Juan como Propio composicion cu su cancion “Picudito” den su catoria di 4 – 7 aña. Den 8-13 aña San Juan e hoben Riegard Ras di Tico y sus estrellas a bira ganador absoluto sigui pa Brandon Rincones di Tipico Macuarima. Mientras cu den propio composicion Brandon ta e ganador absolute cu “ Unda Juan ta” cu Tip. Macuarima sigui pa “Hubentud Positivo di Reynaldo Dirkszen di Tipico Macuarima.

Den Categoria di 14 – 17 aña nos a conoce un Reyna di San Juan den persona di Hillyann Croes di Tip. Macuarima sigui pa Christoffer Ras di Tico y sus Estrellas. Den Propio composicion Hillyann a gana tambe cu “ Hubentud nos por” y su finalist ta Miosotis Tromp “ Bo tin mi loco” ambos acompaña pa Tipico Macuarima. Bou di e adultonan Wiwi Maduro di Sodo E Cuero tabata e ganador maximo, sigui pa Alejandro Dirksen di Macuarima, y Di Dos Lugar Tommy Croes di Grupo di Betico. Den propio Composicion Jairo Evertsz cu “Crioyo mi ta” di Rincon Boys ta ganador absoluto, e Di Dos lugar Tommy Croes “ Ba buske wante” di Grupo di Betico y Di Tres Lugar Lucia Thiel cu Ban serio cune cu Sodo E Cuero.

Comision Promove Cultura 88.9 ta gradici famia di Sra. Bernadina Growell cu a permiti nan duna e homenahe aki na Mama di Cultura, na Sra. Irena y Minister di Cultura Ramon Lee cu a haci entrega di e premionan, na cada agrupacion, tur miembro di prensa, publico en general pero muy en especial Setar, RBTT Bank y Lotto cu a haci Festival San Juan 2009 posibel. Alavez ta recorda e agrupacionnan riba e reunion cu lo tuma lugar Diahuebs awor pa 8 ‘or na C.B. Tanki Leendert unda cu nan lo ricibi otro premionan y plakaatnan y e grabacion di e anochi. Pronto lo tin un CD riba Mercado y ta spera cooperacion di radio emisoranan y locutornan pa promove “Loke ta di Nos” , nos musica crioyo y San Juan.